



Broj: 04-GV-04-211/22
Sarajevo, 07.02.2022. godine

*ZAPISNIK O RADU
DEVETE SJEDNICE ODBORA ZA INFORMATIKU I TELEMATIKU
GRADSKOG VIJEĆA GRADA SARAJEVA
održane 07.02.2022. godine*

Prisutni:

1. Maja Muftić Dedović, predsjedavajuća
2. Samir Bejić, član
3. Muamer Mekić, član
4. Srđan Simonović, član
5. Adi Omerbegović, član

Odsutni: Vildan Husomanović, zamjenik predsjedavajuće (najavljeno odsustvo), Adnan Hidić, član (najavljeno odsustvo)

Sjednici iz Stručne službe Gradskog vijeće Grada Sarajeva prisustvuje:

- Mila Eminović, sekretar Gradskog vijeća
- Mirjana Đanović Stanić, rukovodilac Stručne službe Gradskog vijeća Grada Sarajeva

Ispred Predlagača niko ne prisustvuje sjednici.

Predsjedavajuća Odbora je u 11.08 sati otvorila sjednicu, pozdravila prisutne, utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Osme sjednice Odbora za informatiku i telematiku Gradskog vijeće Grada Sarajeva održane 20.12.2021. godine

Na prijedlog Predsjedavajuće, jednoglasno je usvojen sljedeći **dnevni red**:

1. Javna rasprava o Nacrtu Strategije razvoja Grada Sarajeva 2021.-2027.
2. Tekuća pitanja

TAČKA 1.

Javna rasprava o Nacrtu Strategije razvoja Grada Sarajeva 2021.-2027.

Adi Omerbegović, član Odbora iznio je prijedlog za digitalizacijom objekata od kulturno historijskog značaja, sa naročitim akcentom na mostove i to na način da osim 3D prikaza budu dostupne i informacije o njihovoj gradnji, značaju i sl.



Predsjedavajuća Odbora je uočila dosta manjkavosti u metodologiji Strategije koje se odnose na sljedeće:

- mjere su pomješane sa aktivnostima, kroz cijeli dokument mjera se doživljava kao aktivnost, a mjere i aktivnosti nisu isto, pa tako npr. mjera ne može biti saradnja sa uredom, to je aktivnost,
- kod indikatora nedostaju indikatori za mjere, npr. mjera koja se odnosi na uspostavu tima bi trebala da bude u dijelu koji se odnosi na implementaciju i monitoring a ne u dijelu strateških ciljeva i prioriteta,
- na par mjesta sredstva koja Grad Sarajevo izdvaja su stavljena kao indikatori a sredstva ne mogu biti indikatori,
- kao primjer lošeg metodološkog pristupa je i npr. u strateškom cilju 3. prioritet 3.1. ulaganje u filmsku industriju, indikator je izjednačen s mjerom.
- indikatori koji stoje ispod mjera nisu indikatori mjera nego aktivnosti, a to znači da imamo indikatore direktnih rezultata, dok indikatore krajnjih rezultata nemamo,

Uzimajući sve navedeno u obzir potrebno je Strategiju metodološki prilagoditi na način da se jasno razlikuju mjere, aktivnosti i indikatori, te Odbor sugerira da Predlagač isto i učini.

Adi Omerbegović, član Odbora je predložio je da se napravi informatička platforma koja će omogućiti da građani daju konstruktivne prijedloge i sugestije u cilju unaprijeđenja nadležnosti i aktivnosti Grada Sarajeva.

Nakon diskusije, Odbor za informatiku i telematiku je jednoglasno usvojio sljedeće **zaključke**:

Odbor za informatiku i telematiku je razmotrio Nacrt Strategije razvoja Grada Sarajeva 2021.-2027., i predlaže da se ista razmatra u tekstu kako je predložena, te kao prilog javnoj raspravi da se izvrši dopuna teksta Strategije, kako slijedi:

1. Da se planira i izvrši digitalizacija objekata od kulturno historijskog značaja sa naročitim akcentom na mostve, na način da osim 3D prikaza budu dostupne i informacije o njihovoj gradnji, značaju i sl., te da ista bude dostupna javnosti (turistima, građanima) na istaknutim javnim mjestima u gradu.
2. Da se Strategija metodološki prilagodi na način da se jasno razlikuju mjere, aktivnosti i indikatori, te Odbor sugerira da Predlagač isto i učini.
3. Da se napravi informatička platforma koja će omogućiti da građani daju konstruktivne prijedloge i sugestije u cilju unaprijeđenja nadležnosti i aktivnosti Grada Sarajeva u svim segmentima njegovog rada, te da se time i poboljša direktna komunikacija građana sa gradskom administracijom.
4. Da se u strateškom periodu u sklopu Bistričke stanice planira uspostava teničkog muzeja.

TAČKA 2.

Tekuća pitanja

Predsjedavajuća Odbora, je iznijela informaciju o tome da je u javnoj raspravi na Nacrt Budžeta Grada Sarajeva za 2022. godinu, putem protokola na Grad Sarajevo i Gradonačelnicu, kao i putem službenog emaila, upućen prijedlog za planiranje sredstava za uspostavu tehničkog muzeja kao projekat od javnog interesa i to tako da se planiraju sredstva za izradu projektne dokumentacije.

Navodi i kako u izvještaju sa javne rasprave nije vidjela da je razmatran ovaj prijedlog NVO BHK CIGRE, koji je dostavljen 13.12.2021. godine, te Odbor traži odgovor od Gradonačelnice o razlozima izostavljanja prijedloga u izvještaju s javne rasprave o Nacrtu Budžeta Grada Sarajeva za 2022. godinu.

PREDSJEDAVAJUĆA ODBORA

Maja Muftić Dedović, s.r.

Predsjedavajuća Odbora je u 11.45 sati zaključila rad Devete jedinice Odbora za informatiku i telematiku Gradskog vijeća Grada Sarajeva.